



Ishak menyampaikan cenderahati kepada Wan Noraidah ketika Majlis Pra Pelancaran Karnival Prihatin 2017 dan OKU Sahabatku Fun Run anjuran YPI.

### 420, 201 OKU direkod berdaftar JKM

KUALA LUMPUR- Seramai 420,201 orang kurang upaya (OKU) direkod berdaftar dengan Jabatan Kebajikan Masyarakat (JKM) hingga 31 Mac lalu.

Pengarah Jabatan Kebajikan Masyarakat Wilayah Persekutuan, Wan Noraidah Wan Mohd Zain berkata, angka yang belum mendaftar adalah jauh lebih besar dan ia sedikit sebanyak mengganggu usaha-usaha pihak kerajaan untuk membantu golongan tersebut.

Menurutnya, kerajaan telah meratifikasikan Konvensyen Hak untuk OKU atau *Convention of the Right for Persons with Disabilities*

(CRPD) pada 19 Julai 2010.

"Iasebagai komitmen menjamin peluang yang setara antara OKU dengan orang upaya dalam semua aspek kehidupan meliputi aksesibiliti, mobiliti, kesihatan, pendidikan, pekerjaan, pemulihan, penyertaan dalam bidang politik, ekonomi dan sosio budaya.

"Bagi membuktikan kesungguhan dalam usaha membela hak dan kesejahteraan hidup OKU, kerajaan juga menerima pakai *Incheon Strategy to Make the Right Real for Persons with Disabilities in Asia and the Pacific* pada tahun 2012," katanya ia bermatlamat

mengurangkan kemiskinan dan meningkatkan prospek pekerjaan kepada golongan OKU.

Beliau berkata demikian dalam Majlis Pra Pelancaran Karnival Prihatin 2017 dan OKU Sahabatku Fun Run anjuran Yayasan Prihatin Insan (YPI) di Taman Metropolitan Kepong, di sini.

Turut hadir, Pengerusi YPI Ishak Ismail.

Katanya, kerajaan tidak mampu melaksanakan usaha pembangunan OKU secara bersendirian, justeru jalinan perkongsian bijak dan kerjasama strategik antara agensi-agensi terlibat diperlukan.